

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 085707 25 St
Livno, 11.12.2025.. godine

Općinski sud u Livnu, stečajni sudac Zoran Bajić, u postupku prethodnog ispitivanja prijedloga za otvaranje stečajnog postupka nad dužnikom „GAME“ d.o.o. Tomislavgrad sa sjedištem u Tomislavgradu, Kovači bb, zastupan po direktoru Milanu Boškiću, van ročišta dana 11.12.2025. godine, donio je sljedeće:

R J E Š E N J E

Pokreće se prethodni postupak za utvrđivanje uslova za otvaranje stečajnog postupka nad imovinom preduzeća „GAME“ d.o.o. Tomislavgrad sa sjedištem u Tomislavgradu, Kovači bb.

Za privremenog stečajnog upravitelja imenuje se Lončar Željko iz Travnika, Fatmić bb.

Privremeni stečajni upravitelj će:

- osigurati i starati se o imovini dužnika;
- ima ovlaštenje da uđe u poslovne prostorije dužnika pravnog lica i provede zakonom propisane neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili dijelimično nastaviti u toku prethodnog postupka,
- utvrditi imovinu dužnika i obaveze dužnika,
- privremeni stečajni upravnik dužan je da stečajnom sudiji položi račun i podnese izvještaj o svom radu za period privremene uprave,
- privremeni stečajni upravnik dužan je da namiri potraživanja koja zasnuje on ili stečajni dužnik uz njegovu saglasnost, osim ako je drugačije ugovoreno ili uređeno ovim zakonom,
- uraditi kontrolu poslovanja stečajnog dužnika, kada je podnositelj prijedloga za otvaranje stečajnog postupka stečajni dužnik, dostaviti izjašnjenje da li stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti,

Privremeni stečajni upravitelj dužan je podnijeti izvješće ovom sudu, u roku od 30 dana od imenovanja u kome će izvijestiti ovaj sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja stečajnog dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava vjerovnici ne mogu ostvarivati u prethodnom stečajnom postupku, stečajni dužnik ne može raspolagati stečajnom masom bez suglasnosti privremenog stečajnog upravitelja i suda, a sve u cilju osiguranja buduće stečajne mase.

Rješenje će biti objavljeno u „Službenim novinama FBiH“, oglasnoj ploči Općinskog suda u Livnu, Web stranicu Općinskog suda u Livnu i Internet stranici FIA-e, te se pozivaju vjerovnici da privremenom stečajnom upravitelju bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Rješenje se ima dostaviti Registru Općinskog suda u Livnu radi upisa zabilježbe pokretanja prethodnog postupka nad privrednim društvom „GAME“ d.o.o. Tomislavgrad koje se vodi pod MBS- 1-1660.

O b r a z l o ž e n j e

Predlagatelj Milan Boškić zakonski zastupnik privrednog društva „GAME“ doo Tomislavgrad, sa sjedištem u Tomislavgradu, Kovači bb, je podneskom od dana 03.10.2025. godine, predložio da se otvori stečajni postupak nad navedenim privrednim društvom. U prijedlogu se navodi da društvo posluje negativno, odnosno da su rashodi veći od prihoda i da nije u mogućnosti da izvršava svoje obveze, te da se iste samo gomilaju.

Radi utvrđenja da li postoji stečajni razlog i da li postoje uvjeti za otvaranje stečajnog postupka, sud je odlučio pokrenuti prethodni postupak i u tom pravcu imenovao je privremenog stečajnog upravitelja Lončar Željku iz Travnika, Fatmić bb sa stalne liste stečajnih upravitelja, te mu je naložio da provede sve radnje navedene u izreci ovog rješenja, a sve u skladu s člankom 61. i 63. Zakona o stečaju Federacije BiH („Sl. novine FBiH“ br. 53/21 i 19/25).

Stečajni sudac
Zoran Bajić

Pouka o pravnom lijeku:

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.